



Polyanthea Sacra

Ex Universæ Sacræ Scripturæ Utriusque Testamenti Figuris, Symbolis, Testimoniis, Nec Non E Selectis Patrum, Aliorumque Authorum, Sententiis, eruditis Interpretationibus, Similitudinibus, rarisque Historiis collecta, Et Copiosis, Exquisitisque Materiis Moralibus De Virtutibus Et Vitiis Pro ...

Spanner, Andreas

Augustae Vindelicorum, 1702

Titulus XII. Vinum.

[urn:nbn:de:hbz:466:1-79369](https://nbn-resolving.org/urn:nbn:de:hbz:466:1-79369)

rum, & pupillorum, acrius tuiti, quam Christiani. Sylveira in Act. 25. q. 4.

Viduas honora. 1. Tim. 5. 3. Honor in Scriptura, non tam in salutationibus deferendis, quam elemosynis, ac munerum

oblacione, sentitur. S. Hieronym. in Matth. 13.

Duo ista nomina (viduæ, & pupilli) in quantum respectui humano, in tantum divinæ misericordiæ exposita suscepit tueri Patet omnium. Tertull. l. 1. ad ux. c. 8.

TITULUS XI. VIGILANTIA.

Speculatorem dedi te Domui Israël. Ezech. 3. 17. Vigilantiæ Pastorum Symbolum sunt psittaci Brasiliæ; qui, dum gregem pascuntur, speculatorem unum è grege suo collocant in arboris cacumine: qui, si quid periculi superveniat, signum edit; quò reliqui possint avolando sibi consulere. Cornelius hic.

Vigilate. Matth. 24. 42. Opus est vigilare, sive vesperi, id est, in juventute; sive mediâ nocte, id est, in medio vitæ humanæ tenebrôsæ; sive galli cantu, quando jam Senior est; sive manè, quando jam senectute provectâ est. Origines tr. 30. in ep. Tim. 24. Quatuor sunt, quæ faciunt hominem vigilare: galli cantus, id est, prædicatio divini verbi: solis ortus, id est, Christi gratia: timor furis, id est, consideratio mortis: sollicitudo rei familiaris, id est, desiderium Regni cœlestis. Hugo Card. hic.

Si in secunda vigilia. Luc. 12. 38. Pri-

ma vigilia primævum tempus est, id est, pueritia: secunda adolescentia, vel juvenitus: Tertia senectus accipitur. Qui ergo vigilare in prima vigilia noluit, custodiat secundam. Et qui vigilare in secunda vigilia noluit, tertiæ vigiliæ remedia non amittat. S. Gregor. hom. 13. in Matth. 25.

Revera plus vigilare, plus vivere est. S. Chrysol. f. 24.

Perniciosissimus nimis est repentinus hostis, nam aut inscios prævenit, aut incautos præoccupat, aut opprimit dormientes. Hinc est, quòd Christus Rex nosset ante sacula per totam sæculi noctem milites suos præmandatis vigiliarum vicibus commonuit, contra diaboli, id est, veteris hostis subtilissimum dolum. Idem f. 27.

Antiqua est familiarum devotio; familiare bonum omnibus Sanctis. S. Isidorus de offic. Eccl. l. 1. c. 22.

TITULUS XII. VINUM.

NOË plantavit vineam. Gen. 9. 20. In Symbolis Romanorum reperimus: Noë, qui primus vineam plantavit, quem Janum illi dicebant, miscuisse viti, & vino, sanguinem quatuor animalium, simiæ, leonis, porci, & agni: quia vinum facit vel motiones, quasi Simias; vel pugnaces, ut leones; fœdos, ut porcos; alios mansuetos, blandos, pios, ut agnos. Cornelius hic.

Bibensq, vinum inebriatus est. Gen. 9. 21. Aquæ infinitæ non potuerunt, vincere ipsum; vinum autem vile inter dormiendum justi viri corpus nudavit. A modico, vilique, vino victus est dormiens. S. Ephrem de Virginitate.

In quo augurari solet. Gen. 44. 5. Tradit Julius Sirenius l. 9. de fato c. 18. Egyptios, & Assyrios, pelves, & scyphos, aquâ replere; deinde certis verbis dæmonem advocare solitos; ac tum dæmonem, instar sibi, ex aqua dedisse responsa. Dices: ergone Joseph talem hic se profiteatur magnum?

Respondeo: pro *augurari* Hebr. est *nasas*, quod significat *presagire*, & divinare; sive augurio, seu naturali sagacitate. Unde Chaldaus vertit: *probare*. Joseph ergo hoc scypho, eum vinò plenum hospitibus suis propinando, naturaliter divinabat, & explorabat; hospitum suorum temperantiam, prudentiam, & arcana cordis: & hic explorabat, quis fratrum in Benjaminum esset animus? Cornelius hic.

Vinum latificat. Judic. 9. c. 13. Calefacit, laxat, funditque cor, ideoque latificat: laticia enim est cordis laxatio, & diffusio; quam facit calor. Tristitia verò ejusdem contractio, & torpor; quam causat frigus: quare indicibilem sympathiam habet cum corde. Cornelius hic.

Aquam vinum factam. Joan. 2. 9. Et si aquam vinum in nuptiis fecerit, non tamen permisit inebriari. Clem. Alex. pæd. l. 2. c. 2.

Si quid itaque in me potest esse consilij, si experto creditur: hoc primum moneo, hoc

hoc obtestor: ut sponsa Christi vinum fugiat pro veneno. Hæc adversus adolescentiam prima arma sunt dæmonum. Non sic avaricia quatit, inflat superbia, delectat ambitio. Facile alijs caremus vitijs; hic hostis nobis inclusus est. Quocumque pergimus, nobiscum portamus inimicum. Vinum, & adolescentia, duplex est incendi-um voluptatis. Quid oleum flammæ adjici-mus? quid ardenti corpusculo fomenta igni-um ministramus? S. Hieron. ep. 22. ad Eusto-chium.

Sicut aqua igni est adversa, sic vinum immodicum rationi. S. Basilius hom. 18. con-tra ebrietatem.

Vinum medicina optima est, quando com-ensurationem habet optimam. S. Chrysof. hom. 1. ad pop.

Vinum datum est, ut delectemur; non ut dehonestemur: ut rideamus; non ut rideamur: ut valeamus; non ut ægrotemus. Idem hom. 71. ad pop.

Non ferventi etati, quod est omnium humidorum calidissimum, vinum infunde-re convenit: perinde acsi quis in ignem derivet. - Hinc autem fit, ut mustum juventu-tis, fines pudoris transiliat. Clem. Alex. pæd. l. 2. c. 2.

Vinum à vi. Varro de lingua Latina.

TITULUS XIII.

VIR.

Sedecim annorum erat Joseph, cum à fratribus venditus in Ægyptum relegatur. Gen. 37. 2. 28. Et tamen David de illo: *misit ante eos virum; in servum venundatus est Joseph.* Ps. 104. 17. Adultera de eodem: *introduxit virum Hebraum, ut illuderet nobis.* Gen. 39. 14. Convieta id ex Josephi innocentia facebatur. Vir erat, qui juvenilibus illecebris non succumbebat. Mendoza in 1. Reg. 1. annot. 4.

In sanctuario comedes illud: mares tantum edent ex eo. Num. 18. 10. Ait Deus ad Aaron de sacrificio pro peccato.

Non induetur mulier veste virili, nec vir utetur veste femineâ. Deut. 22. 5. Arbitror, quod non tam de vestibus, quam moribus, dixerit. S. Ambros. ep. 15. ad Ire-nem.

Vir unus. 1. Reg. 1. 1. A virili constan-tia. Mendoza hic.

Confortamini, & estote viri. 1. Reg. 4. 9. Viri hoc loco nomen virtutis, non æta-

tis. Unde non omnes sunt viri, qui videntur. *Virum de mille unum reperi.* Eccl. 7. 29. *Vidit, quia non est vir.* Il. 59. 16. *Quarite in plateis ejus, an invenietis virum.* Jerem. 5. 1.

Accinge sicut vir lumbos tuos. Job. 38. 3. Scriptura sacra Viros vocare consuevit; qui vias Domini fortibus, & non dissolutis, gressibus sequuntur. S. Gregor. mor. l. 28. c. 4.

Discubuerunt viri numero quasi quinque millia. Joan. 6. 10. De viris solum mentionem facit: ænigmaticè monens; omnibus, qui viriliter probitatem, ac fidem amplectun-tur, non imbecillibus, ac mollibus, celestem à Salvatore cibum præberi. Nam, qui puerili animò, aut pueruli sunt, nihil magni cognoscere possunt. S. Cyrill. Alex. l. 3. in Jo-an. c. 16.

Imperatores nullam cohortationem ha-bent efficaciorum in prælijs, quam: estote vi-ri. Philo lib. quod omnis probus sit liber.



TITU-